



TIIJOITUS VUVVEN 2017 KUNNALLISVALLIČENDOIH NÄH

Suomi jagavuu kundih, kudamil konstitutsien mugah on autonomii. Kunnat ollah vastuollizet monis kunnan eläjii koskijois dielois.

Kunnan korgevin piättäi organ on kunnan eläjien vallittu nevvosto. Nevvoston deputuatat vallitah kunnallisvalličendas kerral nelläkse vuvvekse. Tuliet kunnallisvalličendat ollah **pyhänpiän 9.4.2017**.

Kunnallisvalličendas voijah andua iäni libo azettuo kandiduatakse Suomen kanzalazet da tiettylöin ehtoloin mugah kunnas eläjät toizien mualoin kanzalazet. Valličendah ozanotto perustuu Suomes omah tahtoh.

Ahvenanmuan muakunnan alovehel ei ole kunnallisvalličendua vuonnu 2017.

Iänioigevus - ken suau andua iänen

Kunnallisvalličendas suat andua iänen, ku ollet Suomen libo mintehto muun Jeuropan Liittoh kuulujan muan, Islandien libo Norveegien kanzalaine da täytät alahan luvetellut vuadimukset:

- sinule täydy 18 vuottu ei myöhemi valličendupäiviä (9.4.2017)
- da sinul on kodikundu Suomes ei myöhemi 17.2.2017

Ku ollet muun muan kanzalaine, suat andua iänen kunnallisvalličendas, ku

- sinule täydy 18 vuottu ei myöhemi valličendupäiviä (9.4.2017)
- da enne 17.2.2017 sinul on olluh kodikundu Suomes jo kaksi vuottu peräkkäi

Kodikundu miärätäh kodikunduzakonon mugah. Puaksuh se on se kundu, kudamas elät.

Vuvven 2017 kunnallisvalličendas kodikundu miärätäh seh mugah, mi kundu on kirjutettu iänenandajan kodikunnakse rahvahalistotiedosistemah 17.2.2017 24 čuasul.

Ku pidänöy, voit tarkistua kodikundutiijon magistruatat.

Kunnallisvalličendas voit andua iänen vaiku oman kodikunnan kandiduatale.

Suat kodih ilmoituksen iänoigevukses

Rahvahalistoregistrakeskus da magistruatat pietäh iänoigevusregistrua, kudamas ollah tiijot kaikis, kel on iänoigevus. Nikenen ei pie eriže ilmoittauduo iänoigevusregistrah.

Magistruattu työndäy, ei myöhembä **16.3.2017**, ilmoituksen iänoigevukses – ilmoituskartin – jogahizele, kudaman asressi on tiijos. Ilmoituskartis on nevvolo, kui andua iäni.

Valličendukelbozus – ken voi olla kandiduatannu

Olet valličendukelboine, toizin sanojen voit ruveta kandiduatakse kunnallisvalličendas, ku täyttänet alahan luvetellut ehtot:

- kundu, kudamas duumaičet ruveta kandiduatakse, on sinun kodikundu
- sinul on iäniogevus mistahto kunnas
- et ole vajaivaldaine, toizin sanojen huolenpidonalaine

Yhtellä erähät valdivon virgumiehet da kunnan johtos olijat virgumiehet da ruadajat ei olla valličendukelbozet.

Kandiduatoin azettamine kunnallisvalličendah

Kunnallisvalličendas kandiduattoi vojiah azettua

- registriiruitut puolovehet
- iäniogevuksen kandajat, ku hyö oldaneh perustettu valličenduyhtistys.

Valličenduyhtistyxen perustamizeh pidäy olla ei vähembi kymmendy kunnan eläjiä, kudamil on iäniogevus, **ga erähis pienis kunnis roih kolme libo viizigi eläjiä.**

Kaksi libo enämbi puolovehtu vojiah luadie valliččenduliitto. Kaksi libo enämbi valličenduyhtistysty vojiah luadie yhtehine listu.

Puolovehel, valličenduliitol libo yhtehizel listal voi olla kunnas kandiduatoinnu ei enämbi migu puolitostukerdahine miäry vallittavien deputuatoin lugh nähte. Nevvostoloih vallitah 13-79 deputuattua kunnan eläjien luvun mugah.

Jogahizel kandiduatal on oma noumer. Kandiduatois luajitah bumuagale painettu kandiduattulistoin kerävö, kudamah kandiduatat kirjutetah noumeran mugazes jälletykses algajen noumeras 2. Listukerävöl kandiduatat on sijoiteltu puolovehien da yhtehizien listoin mugah. Jogahizes kandiduatas listukerävöl on nämmä tiijot: nimi, kandiduattunoumer da ammatti. Lizäkse listukerävös voi nähtä

- mittumat puolovehet ollah valličenduliitos
- mittumat valličenduyhtistykset ollah luajittu yhtehine listu
- mittumat puolovehet ei olla valličenduliitos
- mittumat kandiduatat ei olla yhtehizel listal.

Kandiduattulistoin kerävö luajitah 9.3.2017.

länenandoaijat

Voit andua iänen libo valličendupäivänny pyhänpiän 9.4.2017 libo enne valličendupäiviä edukädeh iänenannandan aijal. Voit andua iänen vaiku yhten kerran. Kaksi kerdua iänen annandas on miärätty rangaistus kriminualuzakonas.

länenando edukädeh:

Edukädeh iänenando algavuu **kolmanpiän 29.3.2017**.

Edukädeh iänenando lopeh ulgomualoil **suovattan 1.4.2017** da Suomes **tossargen 4.4.2017**. Erähis edukädeh iänenandopaikois iänenandoaigu on lyhyömbi.

Iänen voit andua mistahto edukädeh iänenandopaikas, kodimuas libo ulgomualois. Edukädeh iänenandopaikkoi ollah:

- kodimuas kundien miärätty edukädeh iänenandopaikat, puaksuh kundien virastot libo poštat.
- monet Suomen posol'stvat ulgomualois
- laitokset, ezim. bol'ničat, sotsialuhuollon toiminduyksiköt da rangaistuslaitokset. Laitoksis iäni voijah andua vaikusie hoijettavat libo niilöih otetut rahvas.
- suomelazet laivat, kuduat ollah ulgomualois edukädeh iänestyksen aijannu. Laivas iänen suahah andua vaiku laivan ruadajat – matkustajat ei suaha andua iändy laivas.

länenando valličendupäivänny:

Valličendupäivänny iänenando on **pyhänpiän 9.4.2017 9-20 čuasul**.

Valličendupäivänny voit andua iänen vaiku sit kunnas da sil iänenandopaikal, kudai on kirjutettu sinule työnnettyh ilmoituskartih.

länenando kois:

Ku sinul ollou vaigei liikkuo libo toimie da et piäze ilmai liijallizii vaigevuksii änenandopaikale, voit andua iänen kois edukädeh iänenandoaijannu. Kois iänenandoh pidäy ilmoittauduo enne **tossarren 28.3.2017** 16 čuassuu.

Ilmoittua pidäy kodikunnan keskusvalličendulaudukunnale. Samas talohuos eläi rodn'uhoidai voi tiettylöil ehtoloil sežo andua iänen.

Nenga annat iänen

Iäni annetah iänenandopaikal. Voit andua iänen vaiku yhtele kandiduatale, kudaman nimi on kirjutettu oman kunnan kandiduattulistoin kerävöh.

1) **Tovesta oma identitiettu valličenduvirguniekale**, toizin sanojen ozuta pasportu, identifikatsiikarti, ajoluba libo muu sen jyttyine dokumentu. Valličenduvirguniekku andau sinule iänenandolipun.

2) **Mene iänenandokamorkah**. Iänenandokamorkas suau olla kerral vaiku yksi ristikanzu.

3) **Kirjuta iänenandolippuh sen kandiduatan noumer, kudamale annat iänen**. Suat andua iänen vaiku yhtele kandiduatale. Kirjuta kandiduatan noumer iänenandolipun syväinpuolel olijah pyörikköh. Älä kirjuta iänenandolippuh nimidä muudu. Taita iänenandolippu muga, ku kirjutettu noumer jäy taitetun lipun sydämeh peittoh.

4) **Vie taitettu lippu valličenduvirguniekale**. Valličenduvirguniekku lyöy štampan lippuh.

5a) Ku andanet iänen valličendupäivänny, **lykkiä iänenandolippu štampanke valličendu-uurnah**.

5b) Ku andanet iänen edukädeh, valličenduvirguniekku **andau valličendukanvertan, kudamah salbuat iänenandolipun štampanke**.

Ku sinun kygy kirjuttua kandiduatan noumer valličendulippuh ollou liijan heikko, suat käyttöä iänenannos ičen vallittuu avvuttajua libo valličenduvirguniekkua. Avvuttajannu ei sua olla valličendan kandiduattu. Avvuttajal pidäy pidiä peitos tiihot kudamat häi sai iänenannos.

Lizätieduo

- Lizätiedoloi valličendas andau kunnan keskuvalličendulaudukundu. Hengikohtastu iänioigevuttu koskijoih kyzymyksih vastuau magistruattu. Mollembien ozuttehet da telefonnoumeran lövvät ilmoituskartis.
- Edukädeh iänenandopaikoin ozuttehet da avvoiolenduaijat, kandiduatturegistru da muudu tieduo valličendas voit lugie oigevusministerstvan valličendusivuloil internetas **www.vaalit.fi**
- Tiihot kunnallisvalličendan kandiduatois ollah oigevusministerstvan valličendusivuloil enne kevätkuun alguu da tiihot edukädeh iänenandopaikois enne pakkaskuun loppuu.